

ԱՅՍՕՐ ՓԱՍՏԱԲԱՆԻ ՕՐՆ Է

06.12.2020 12:00



Այսօր լրանում է Փաստաբանության ստեղծման 102-րդ տարին: Հասկանալի պատճառներով Փաստաբանի օրը հանդիսավոր պայմաններում չենք նշում:

Փաստաբանությունը, որպես իրավաբանական օգնություն ապահովող ինստիտուցիոնալ համակարգ, Հայաստանում առաջին անգամ ներդրվել է 1918թ. Հայաստանի առաջին Հանրապետության ժամանակաշրջանում:

Ուղիղ 102 տարի առաջ, 1918թ. դեկտեմբերի 6-ին, Հայաստանի առաջին հանրապետության խորհրդի (պառլամենտի) կողմից ընդունված Դատական հաստատությունների կանոնադրության 9-րդ բաժնի 2-րդ գլուխն ամբողջությամբ նվիրվել էր փաստաբաններին, որոնք այն ժամանակ կոչվում էին երդվյալ հավատարմատարներ: Այս նորմատիվ իրավական ակտով կանոնակարգվել է փաստաբանների կազմակերպության կառուցվածքը, կառավարման մարմինները, փաստաբանների վարքագծի կանոնները և մի շարք այլ հարաբերություններ:

Օգտվելով առիթից, շնորհավորում եմ մեր բոլոր փաստաբաններին:

Փաստաբանությանը իշխանությունները հաճախ համարել են ընդդիմախոս, իսկ երբեմն նաև խանգարող ինստիտուտ, սակայն **ՓԱՍՏԱԲԱՆՈՒԹՅՈՒՆ ԻՇԽԱՆՈՒԹՅՈՒՆՆԵՐԻ ԶԱՐԱՇԱՀՈՒՄՆԵՐԸ ԾՆՇՈՂ ԿԱՌՈՒՑՈՂԱԿԱՆ ԻՆՍՏԻՏՈՒՏ Է:**

Դրանով իսկ փաստաբանությունն իրականացնում է պետության ներսում հանրության իմունային համակարգի գործառույթը, հակազդելով պետական մարմինների կամ պաշտոնատար անձանց այն «հիվանդություններին», որոնք վնասում են պետությանը: Այս գործառույթն իրականացնում է յուրաքանչյուր փաստաբան ինքնուրույն՝ պայքարելով քաղաքացիների իրավունքների և ազատությունների համար:

Ունենք թերություններ: Այո, ունենք և ձգտում ենք ինքնամաքրվել: Ունենք ինքնամաքրվելու և՛ կամքը և՛ ինստիտուցիոնալ մեխանիզմները: Տարեցտարի մեր շարքերը համալրում են բանիմաց փաստաբանները: Տարեցտարի մենք դառնում ենք ավելի համախմբված:

Կրկին շնորհավորում եմ մեր փաստաբաններին: Եղեք առողջ, հաջողակ և հավատարիմ ձեր առաքելությանը:

Տեսանյութը՝ 2019թ.

Արա Զոհրաբյան
ՀՀ փաստաբանների պալատի նախագահ

Առաջարկվող նորություններ

Three vertical lines indicating a space for suggestions or comments.



23.10.2013 «ՓԱՍՏԱԲԱՆԻ ՕՐ»



08.04.2015 «ՓԱՍՏԱԲԱՆԻ ՕՐ» ՍԱՀՄԱՆԵԼՈՒ ՀԱՐՑՈՎ 2015թ. ԱՊՐԻԼԻ 25-Ի ԸՆԴՀԱՆՈՒՐ ԺՈՂՈՎԻ ՔՎԵԱԹԵՐԹԻԿՈՒՄ ՆԵՐԱՌՎՈՂ ԱՌԱՋԱՐԿՆԵՐԸ (ԱՄՍԱԹՎԵՐԸ)



22.12.2016 ՀՀ ՓԱՍՏԱԲԱՆՆԵՐԻ ՊԱԼԱՏԻ ԸՆԴՀԱՆՈՒՐ ՀԵՐԹԱԿԱՆ ԺՈՂՈՎ ՀՐԱՎԻՐԵԼՈՒ ՄԱՍԻՆ



12.01.2017 ԾԱՆՈՒՑՈՒՄ` 11.02.2017 ԹՎԱԿԱՆԻՆ ՀՀ ՓԱՍՏԱԲԱՆՆԵՐԻ ՊԱԼԱՏԻ ԸՆԴՀԱՆՈՒՐ ՀԵՐԹԱԿԱՆ ԺՈՂՈՎ ՀՐԱՎԻՐԵԼՈՒ ՄԱՍԻՆ

Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })